

Broj: 01-07-11-3/524/25

Sarajevo, 10.11.2025.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24), federalni ministar unutrašnjih poslova, **d o n o s i**

ODLUKU

o dodjeli ugovora za nabavku stručnog nadzora nad izvođenjem radova izgradnje arhive

I

Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama ("Službeni glasnik BiH", br. 39/14, 59/22 i 50/24), Odluke o pokretanju postupka javne nabavke stručnog nadzora nad izvođenjem radova izgradnje arhive broj: 01-07-11-3/524/25 od 22.10.2025. godine, Obavještenja o nabavci, broj: 405-7-2-187-3-100/25 od 23.10.2025. godine (Sl. glasnik BiH broj: 65/25) i tenderske dokumentacije, dodjeljuje se Ugovor za nabavku stručnog nadzora nad izvođenjem radova izgradnje arhive.

II

Ugovor za nabavku stručnog nadzora nad izvođenjem radova izgradnje arhive dodjeljuje se ponuđaču „ENCOS“ d.o.o. Sarajevo, koji je dostavio cijenu ponude u iznosu od 6.400,00 KM bez obračunatog PDV-a, odnosno 7.488,00 KM sa obračunatim PDV-om i koji ispunjava sve uvjete predviđene tenderskom dokumentacijom.

III

Obavezuje se Sektor za materijalno-finansijske poslove Federalnog ministarstva unutrašnjih poslova/Federalnog ministarstva unutarnjih poslova, da shodno Zakonu o javnim nabavkama pripremi sve potrebne akte za sklapanje Ugovora sa ponuđačem „ENCOS“ d.o.o. Sarajevo.

IV

Ova Odluka objavit će se na web stranici Federalnog ministarstva unutrašnjih poslova/Federalnog ministarstva unutarnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V

Ova Odluka stupa na snagu danom donošenja.

Obrazloženje

Rješenjem Federalnog ministra unutrašnjih/unutarnjih poslova broj: 01-08-08/2-11-3-362/25 od 12.02.2025. godine, formirana je Komisija za provođenje postupka nabavke svih roba, usluga i radova putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova u 2025. godini. Odlukom o pokretanju postupka javne nabavke stručnog nadzora nad izvođenjem radova izgradnje arhive broj: 01-07-11-3/524/25 od 22.10.2025. godine i Obavještenjem o nabavci broj: 405-7-2-187-3-100/25 od 23.10.2025. godine pokrenut je postupak javne nabavke.

Komisija je dana 3.11.2025. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku stručnog nadzora nad izvođenjem radova izgradnje arhive. Komisija je konstatovala da su za predviđenu nabavku pristigle tri (3) blagovremene ponude i to:

1. Ponuđač „**SMAJIĆ-INŽENJERING**“ d.o.o. Goražde,
2. Ponuđač **Institut za građevinarstvo „IG“** d.o.o. Banja Luka,
3. Ponuđač „**ENCOS**“ d.o.o. Sarajevo.

Nakon pregleda i analize dostavljenih ponuda, Komisija je konstatovala sljedeće:

1. Ponuda ponuđača „**SMAJIĆ-INŽENJERING**“ d.o.o. Goražde, za javnu nabavku stručnog nadzora nad izvođenjem radova izgradnje arhive putem konkurentskog zahtjeva iznosi: **6.500,00 KM bez PDV-a, (PDV: 1.105,00 KM), odnosno 7.605,00 KM sa PDV-om** (ponuda je bez popusta) i uklapa se u procijenjenu vrijednost javne nabavke od 6.500,00 KM bez PDV-a.

Ponuđač „**SMAJIĆ-INŽENJERING**“ d.o.o. Goražde nije ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za javnu nabavku stručnog nadzora nad izvođenjem radova izgradnje arhive jer ponuđač nije dostavio:

d) *Potpisana i ovjerena izjava od strane ponuđača o obrazovnim i profesionalnim kvalifikacijama pružaoca usluga i/ili kvalifikacije njegovog rukovodećeg osoblja, i naročito kvalifikacije lica koja su odgovorna za pružanje konkretnih usluga.*

Naime, ponuđač je u ponudi dostavio Izjavu-potvrdu da će „angažovati tehničko osoblje sa odgovarajućim stručnim kvalifikacijama i radnim iskustvom koje će obavljati nadzor.“ Dostavljena izjava-potvrda ne sadrži podatke o konkretnim licima koja će biti angažovana, niti navodi njihove obrazovne i profesionalne kvalifikacije, kako je zahtijevano tenderskom dokumentacijom, samim tim, ponuđač nije dostavio traženi dokaz tehničke i profesionalne sposobnosti. S obzirom da dostavljena izjava-potvrda ne ispunjava zahtjeve iz tenderske dokumentacije, a ponuđač nije dokazao ispunjenost uslova kvalifikacije pod tačkom c) uvjete za kvalifikaciju ponuđača po rednim brojem 4) Tehnička i profesionalna sposobnost - u smislu člana 50. Zakona, a kako je traženo tenderskom dokumentacijom, ponuda ponuđača se odbacuje kao neprihvatljiva.

2. Ponuda ponuđača **Institut za građevinarstvo „IG“** d.o.o. Banja Luka, za javnu nabavku stručnog nadzora nad izvođenjem radova izgradnje arhive putem konkurentskog zahtjeva iznosi: **6.500,00 KM bez PDV-a, (PDV: 1.105,00 KM), odnosno 7.605,00 KM sa PDV-om** (ponuda je bez popusta) i uklapa se u procijenjenu vrijednost javne nabavke od 6.500,00 KM bez PDV-a.

Ponuđač **Institut za građevinarstvo „IG“** d.o.o. Banja Luka nije ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za javnu nabavku stručnog nadzora nad izvođenjem radova izgradnje arhive jer ponuđač nije dostavio:

d) *Potpisana i ovjerena izjava od strane ponuđača o obrazovnim i profesionalnim kvalifikacijama pružaoca usluga i/ili kvalifikacije njegovog rukovodećeg osoblja, i naročito kvalifikacije lica koja su odgovorna za pružanje konkretnih usluga.*

Naime, ponuđač je u ponudi dostavio Izjavu da su tehnički i profesionalno osposobljeni, te da će ukoliko budu izabrani kao najpovoljniji ponuđač angažovati osoblje čije obrazovne i profesionalne kvalifikacije garantuju uspješno izvršenje ugovora. Dostavljena izjava ne sadrži podatke o konkretnim licima koja će biti angažovana, niti navodi njihove obrazovne i profesionalne kvalifikacije, kako je zahtijevano tenderskom dokumentacijom, samim tim, ponuđač nije dostavio traženi dokaz tehničke i profesionalne sposobnosti. S obzirom da dostavljena izjava ne ispunjava zahtjeve iz tenderske dokumentacije, a ponuđač nije dokazao ispunjenost uslova kvalifikacije pod tačkom c) uvjete za kvalifikaciju ponuđača pod rednim brojem 4) Tehnička i profesionalna sposobnost - u smislu člana 50. Zakona, a kako je traženo tenderskom dokumentacijom, ponuda ponuđača se odbacuje kao neprihvatljiva

3. Ponuda ponuđača „ENCOS“ d.o.o. Sarajevo, za javnu nabavku stručnog nadzora nad izvođenjem radova izgradnje arhive putem konkurentskog zahtjeva iznosi: **6.400,00 KM bez PDV-a, (PDV: 1.088,00 KM), odnosno 7.488,00 KM sa PDV-om** (ponuda je bez popusta) i uklapa se u procijenjenu vrijednost javne nabavke od 6.500,00 KM bez PDV-a.

Ponuđač „ENCOS“ d.o.o. Sarajevo je ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za javnu nabavku stručnog nadzora nad izvođenjem radova izgradnje arhive i nema računskih grešaka. Ponuda ovog ponuđača je prihvatljiva.

Shodno navedenom, ponuda ponuđača „ENCOS“ d.o.o. Sarajevo jedina je prihvatljiva za ugovorni organ. Pravilnikom o uslovima i načinu korištenja e-aukcije propisano je da se, u slučaju prijema samo jedne prihvatljive ponude, e-aukcija ne može zakazati, već se postupak okončava u skladu sa članom 69. Zakona o javnim nabavkama. S obzirom na to da se ponuda ponuđača „ENCOS“ d.o.o. Sarajevo, sa cijenom u iznosu od 6.400,00 KM bez PDV-a, uklapa u procijenjenu vrijednost javne nabavke od 6.500,00 KM bez PDV-a, u skladu sa članom 64. stav (1) tačka b) i članom 69. stav (1) tačka a) Zakona o javnim nabavkama BiH, odlučeno je kao u dispozitivu ove odluke

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.

Dostaviti:

1. Ponuđačima x3,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis
5. a/a



SM/ZK

FMUP- ODL